

17. 03. 2021

18-04-4-13073-1

Sarajevo,
Broj:

Na osnovu člana 18. Stav 1. Zakona o javnim nabavkama („Službeni glasnik BiH“ broj 39/14), člana 48. Statuta Kliničkog centra Univerziteta u Sarajevu, člana 6, 10 i 11 Pravilnika o javnim nabavkama br. 0202-14542 od 29.03.2017. god. na prijedlog Tehničkog sektora Generalna direktorica donosi:

ODLUKU

o pokretanju postupka javne nabavke za izbor najpovoljnijeg ponuđača

I

Ovom odlukom odobrava se pokretanje postupka javne nabavke za izbor najpovoljnijeg ponuđača za nabavku medicinske opreme za potrebe Klinike bolesti srca, krvnih žila i reumatizam. Predmetna nabavka je podjeljena na 2 lota i to: lot 1 Nabavka transkutanih stimulatora (privremeni pacemakeri) 3 kom i lot 2 Nabavka uređaja za hipotermiju i hipertermiju 1 kom. Predmetna javna nabavka provest će se putem konkurentskog zahtjeva uz primjenu e-aukcije. Objava obavještenja o nabavci i tenderske dokumentacije će se izvršiti na portalu Agencije za javne nabavke.

II

U skladu sa procijenjenom vrijednosti za realizaciju nabavke iz člana 1. ove odluke odobravaju se finansijska sredstva u iznosu 23.000,00 KM bez uračunatog PDV-a. Postupak nabavke je podijeljen na 2 (dva) lota sa procijenjenim vrijednostima u iznosu od 15.000,00 KM bez PDV-a za lot 1 i 8.000,00 KM bez PDV-a za lot 2. Nabavka je planirana privremenim Planom javnih nabavki za 2021. god. pod kategorijom „investicije robe“ redni br. 14 (Odluka o usvajanju privremenog Plana javnih nabavki Kliničkog centra Univerziteta u Sarajevu za 2021 godinu, broj: 646/20 br. protokola 04-2-59660/20).

Sredstva za nabavku su obezbjeđena iz preostalih sredstava doznačenih od strane Zdravstvenog osiguranja Republike Srpske

Uslovi plaćanja predviđeni za postupak nabavke su plaćanje u roku 30 dana od isporuke i ispostavljanja fakture (na osnovu dopisa Sektora za računovodstvo, plan i analizu br. 56-11-3-47355 od 19.10.2020. godine).

III

Realizaciju nabavke iz člana 1. ove odluke provest će Tehnički sektor putem Komisije za provođenje postupka javne nabavke, u skladu sa postupcima regulisanim Zakonom o javnim nabavkama, podzakonskim aktima i opštim aktima ugovornog organa KCUS-a.

IV

Zaključenje ugovora ili drugog pravnog posla u cilju realizacije predmetne nabavke provest će se u skladu sa ovlaštenjima utvrđenim Zakonom o javnim nabavkama, podzakonskim aktima i opštim aktima ugovornog organa KCUS-a. Kriterij za dodjelu ugovora je najniža cijena za kvalifikovane ponude.

V

Odluka stupa na snagu danom donošenja

OBRAZLOŽENJE

Za potrebe Klinike bolesti srca, krvnih žila i reumatizam KCUS-a, a u skladu sa privremenim Planom javnih nabavki KCUS-a za 2021. godinu (Odluka o usvajanju privremenog Plana javnih nabavki Kliničkog centra Univerziteta u Sarajevu za 2021 godinu, broj: 646/20 br. protokola 04-2-59660/20) Tehnički sektor se Generalnoj direktorici obratio zahtjevom za saglasnost radi pokretanja postupka javne nabavke.


Predmet postupka je nabavka medicinske opreme za potrebe Klinike bolesti srca, krvnih žila i reumatizam. Obzirom da su sredstva obezbjeđena, utvrđeno je da su ispunjene sve pretpostavke za realizaciju nabavke, te je shodno Zakonu o javnim nabavkama i usvojenim opštim aktima ugovornog organa predmetni zahtjev dostavljen Generalnoj direktorici na konačno odobravanje.

Cijeneći navedeno donosi se odluka kao u dispozitivu.

v.d. RUKOVODILAC TEHNIČKOG SEKTORA

Fazlagić Amra, dipl. inž. građ.

VERBAZUČA / JASMIN



GENERALNA DIREKTORICA
Prof. dr. Seljija Izetbegović